



Broj: 03-1-50-502-2/24 DGL

Datum: 07.06.2024. godine

**SKUPŠTINA KANTONA SARAJEVO**  
**Reisa Džemaludina Čauševića br.1**  
**71000 Sarajevo**

**PREDMET:** Obavještenje, dostavlja se

**VEZA:** Vaš akt broj: 01-04-25816-28/24 od 30.04.2024. godine

Agenciji za zaštitu ličnih podataka u Bosni i Hercegovini (u daljem tekstu: Agencija), obratili ste se aktom veze uz koji je dostavljeno zastupničko pitanje zastupnice Arijane Memić od 30.04.2024. godine. U zastupničkom pitanju zahtijeva se od Agencije informacija u vezi sa postupanjem Policijskog komesara Uprave policije Ministarstva unutrašnjih poslova Kantona Sarajevo po zastupničkom pitanju Arijane Memić od 26.02.2024. godine, za davanje podataka o policijskim službenicima Ministarstva unutrašnjih poslova Kantona Sarajevo.

S tim u vezi, obavještavamo vas da je Agencija na zahtjev Uprave policije Ministarstva unutrašnjih poslova Kantona Sarajevo dala Mišljenje broj: 03-1-02-1-483-2/24 DGL od 06.06.2024. godine u kojem je iznijela svoj stav po pitanju dostavljanja podataka o policijskim službenicima koji su traženi u zastupničkom pitanju Arijane Memić od 26.02.2024. godine, a čiju kopiju vam dostavljamo u prilogu.

S poštovanjem,

Prilog: Kao u tekstu.

**Dostavljeno:**

- Naslovu,
- a/a.



  
Dr Dragoljub Reljić



Broj: 03-1-02-1-483-2/24 DGL  
Datum: 06.06.2024. godine

**MINISTARSTVO UNUTRAŠNJIH POSLOVA  
KANTONA SARAJEVO  
UPRAVA POLICIJE  
La Benevolencija br. 16  
71000 Sarajevo**

**PREDMET:** Davanje podataka na zahtjev gradske zastupnice, Mišljenje, dostavlja se

**VEZA:** Vaš akt broj: 02/7-248/24 od 07.05.2024. godine

Agencija za zaštitu ličnih podataka u Bosni i Hercegovini (u daljem tekstu: Agencija) zaprimila je akt veze u kojem je navedeno da je Uprava policije Ministarstva unutrašnjih poslova Kantona Sarajevo zaprimila akt Skupštine Kantona Sarajevo u prilogu kojeg se nalazi zastupničko pitanje zastupnice Arijane Memić. Kako je dalje navedeno, zastupničko pitanje sadrži spisak devetnaest zaposlenika Uprave policije, koji su po saznanjima zastupnice bili uključeni u predmet „Dženan Memić“, ta zahtijeva da joj se dostave informacije o tome da li su policijski službenici sa spiska, nagrađivani, raspoređeni na druga radna mjesta, unaprijeđeni, te da li su uključeni u rad komisija Uprave policije od 2016. godine do danas. Od Agencije se zahtijeva mišljenje da li bi dostavljanje traženih podataka predstavljalo kršenje Zakona o zaštiti ličnih podataka.

U vezi sa naprijed navedenim, nakon analize dostavljenih priloga, na osnovu člana 40. stav (2) tačka g) Zakona o zaštiti ličnih podataka („Službeni glasnik BiH“, broj: 49/06, 76/11 i 89/11), dajemo sljedeće:

### MIŠLJENJE

Zakon o zaštiti ličnih podataka (u daljem tekstu: Zakon) predstavlja osnovnu legislativu koja neposredno određuje obradu ličnih podataka, sa ciljem da se na teritoriji Bosne i Hercegovine svim licima, bez obzira na njihovo državljanstvo ili prebivalište, osigura zaštita ljudskih prava i osnovnih sloboda, a naročito pravo na privatnost i zaštitu podataka u pogledu obrade ličnih podataka koji se na njih odnose.

Davanje ličnih podataka predstavlja jednu od radnji obrade ličnih podataka, koju Zakon reguliše u članu 17. Prema odredbama ovog člana Zakona, kontrolor može dati lične podatke trećoj strani ukoliko ista ima pravni osnov da dobije i dalje obrađuje lične podatke koje traži. Pravni osnov za davanje ličnih podataka može biti, prije svega utvrđen javni interes, a potom zakonom utvrđena nadležnost ili zakonit interes treće strane, te saglasnost nosioca ličnih podataka. Pravni osnovi nisu postavljeni kumulativno, što znači da je dovoljno postojanje jednog od tih osnova za davanje ličnih podataka trećoj strani. Treća strana je obavezna dokazati naznačeni pravni osnov i svrhu zbog koje traži podatke.

*Sarajevo / Capajevo, Dubrovačka broj 6 / Дубровачка број 6  
tel/men +387 33 726-250, faks/faks +387 33 726-251*

U skladu sa navedenim odredbama Zakona, kontrolor u ovom slučaju Ministarstvo unutrašnjih poslova kantona Sarajevo, treba da cijeni postojanje razloga za davanje podataka koji se odnose na zakonom utvrđene nadležnosti ili ostvarivanja zakonitih interesa treće strane.


Prilikom odlučivanja po predmetnom zahtjevu, Ministarstvo unutrašnjih poslova Kantona Sarajevo treba ima u vidu da se traženi podaci odnose na nagrađivanje, napredovanje, raspoređivanje na radna mjesta, te na rad u komisijama policijskih službenika, dakle zaposlenih u javnom sektoru čiji rad treba da se zasniva na principu transparentnosti.

Takođe, obavještavamo vas da na službenoj stranici Agencije [www.azlp.ba](http://www.azlp.ba), u odjeljku „Mišljenja i Rješenja“ možete pronaći dokument „Davanje podataka zaposlenih u javnom sektoru u vezi stručne spreme i sticanja diplome kao odgovor na poslaničko pitanje“, te druge objavljene dokumente u vezi javnosti podataka o zaposlenim u javnom sektoru, a koji se mogu primjeniti za konkretan slučaj.

S poštovanjem,

**Dostavljeno:**

- Naslovu,
- a/a.



**DIREKTOR**

**dr. Dragoljub Reljić**